

և 'ի խեցւոյ կրայից (1661) . որպէս երեւի ցարդ : Գնեաց 'ի Յոպպէ զտունս և զտեղիս՝ և հաստատեաց անդ վանս , և զէ մթերանոցս 'ի Բդեշխէն Գաղայու , մերձ 'ի տեղին , յորում՝ ետես առաքեալն Պետրոս զտեսիլ կտաւին կախեալ 'ի չորից տանոց . աստ է մի մասն տան Սիմոնի խաղախորդի , լեալ յառաջագոյն եկեղեցի քրիստոնէից . եւ տեղի Մթերանոցացս լեալ է յառաջագոյն գերեզմանատուն Հայոց , որպէս ցուցանեն հին Հեօֆֆէթ , և մի մասն եկեղեցւոյն փոխեալ 'ի մզկիթ յայլազգեաց . զնեաց և զայլ տեղիս 'ի կալուած վանաց , եւ զմի քանի տունս յաւանն Ռեմէ՛ եւ խառնեալ զնոսա ընդ միմեանս արար վանք եւ իջեւանատեղի ուխտաւորաց , և եկեղեցի յանուն Ս . Գեորգայ զօրավարին , և զայլս 'ի կալուած , և զգերեզմանատունն 'ի վերայ ճանապարհին Յոպպէի : Այլ զի մի զայլ ըրացին այլազգիք տեղւոյն ընդ հաստատութիւն վանաց , շինեաց զմիտս նոցա՝ նորոգելով զմզկիթ տեղւոյն , որ յառաջագոյն էր եկեղեցի քրիստոնէից 3 խորանաւ յանուն Ս . Յովհաննու Կարապետի , եւ սահմանեաց տալ նմա ամ ըստ ամէ իբր իւղագին 17 դահեկան 'ի կալուածոց Ս . Գեորգայ : Շինեաց եւ զեկեղեցի 'ի Գազա յանուն Հրեշտակապետաց . այլ յետոյ յանհոգութենէ աւերեալ խանդարեցաւ յԱրաբացւոց , և մի մասն աւերակաց տեղւոյն կայ մնայ անդ : Շինեաց զսենեակս միաբանաց յարեւմտեան կողմն 'ի վերայ արտաքին մեծի դրան Ս . Յակոբայ , և կոչեաց զայն Աբէլաթա՝ 'ի պէտս բնակութեան վարդապետաց , որոյ յիշատակարանն եղեալ կայ յորմն արեւելեան , և զայլ կարեւոր շինուածս (1663) :

Դէպ եղեւ 'ի նոյն աւուրս գալ յուխտ յերուսաղէմ խաչատրոյ Կաթողիկոսին Սսոյ , որում բազում սէր և մեծաբանս պատուոյ ցուցեալ Եղիազարու եւ ընդունելութիւն արարեալ յանկոյց յինքն զսիրտ նորա , և յառանձին պահու 'ի մատրան Ս . Յակոբայ Գլխադրի յայտնեաց նմա զխորհուրդս սրտի իւրոյ , և յաւել ասել՝ թէ 'ի յաջողիլ Կաթողիկոսութեան իմոյ ոչ հասցէ քեզ բնաւին վնաս ինչ , այլ մանաւանդ յամենայնի ձեռնտու եղեց քեզ . կալցի ասէ իջմիածին զիշխանութիւն իւր 'ի վերայ Արեւելեաց և եթ՝ որք կան ընդ տէրութեամբ Պարսից , եւ դու զիշխանու-